

## Transkription von Urkunde SAW 1451c

Ort, Datierung: Salzwedel, 1451-11-30

Signatur: Stadtarchiv Salzwedel, 286/21

Inhalt: Rat der Stadt Salzwedel: Rentenbeleg

---

Wÿ Borgermeste(r) vnd(e) Radma(n)ne der Stad Soltwedel Bokennen apenbar(e) tugende in /  
dessem(e) Breue Dat vor vns gewes(e)n is Ern Dideric Kerkun v(m)me salicheyd vnd(e) meru(n)ge /  
godes dÿnstes hefft belecht vnd(e) gemaket to Ern cossÿns gmend(e)n zeliger Achte m(a)rc / pen(nige)  
rent(e)n Sÿne wani(n)ge Twe verde bocke vnd(e) eÿn blaw gerwet dar Ewich bÿ to / bliuende Doch  
mÿd dussem(en) vnderscheide dat hee vnd(e) Ern Arnd Huseke sÿn(er) suster / sone will(e)n sick  
bruken der achte m(a)rc rent(en) der wani(n)ge der bocke vnd(e) des gerwetes / de tijd ores leuendis  
v(m)me meringe will(e)n godes dinstes geue wÿ vrig de wani(n)ge / Ern Dide(r)ic de tijd sÿnes  
leue(n)dis van aller Stad plege Sunder Ern Arnd leuet hee / lenger wen Ern dide(r)ic De schall alleÿne  
van der wanÿ(n)ge geue(n) alle Jar Twe schilling(e) / to schate To orkunde vnd(e) vorder Bekantnisse  
hebbe wy Radman(ne) vorbonomem)d vns(er) / Stad Jngesegill vor vns . vnd(e) vnse nakamelinge  
witlik(e)n mÿd gud(e)n will(e)n hengen / lat(e)n nedd(e)n An duss(e)n Briff Gegeue(n) na (christi)  
gebord virteÿnhund(er)t Jar(e) dar(e) na In / dem(e) eÿnvn(de)vefftigist(e)n Jare Am(e) dag(e) Arndree  
desz Hilg(e)n Apostels /